

UNIVERZITET U SARAJEVU - ELEKTROTEHNIČKI FAKULTET, sa sjedištem u Sarajevu, ulica Zmaja od Bosne bb, koji zastupa dekan Prof.dr. Samim Konjicija (u daljem tekstu: Naručilac usluga)

i

JAVNA USTANOVA KANTONA SARAJEVO ZAVOD ZA ZDRAVSTVENU ZAŠTITU STUDENATA UNIVERZITETA U SARAJEVU, sa sjedištem u Sarajevu, ul. Patriotske lige br. 36, koju zastupa direktor Dr.sci.med. Žana Pozderac, primarijus, specijalista interne medicine – subspecijalista kardiolog, ID:4200098290005; PDV:200098290005 (u daljem tekstu: Izvršilac usluga)

sklopili su sljedeći

UGOVOR O OBAVLJANJU SISTEMATSKIH I SANITARNIH PREGLEDA

Član 1.

Predmet ovog Ugovora su međusobni poslovni odosi vezani za pružanje usluga sistematskih i sanitarnih pregleda radnika **Elektrotehničkog fakulteta**, u periodu od 10.-21.09.2018.godine, na temelju Ponude, broj 03-01-1749/2018 od 04.09.2018.godine i zaključenog Direktnog sporazuma br.: 2-3129718 OD 07.09.2018. godine.

Član 2.

Sadržaj usluga sistematskog ljekarskog pregleda uključuje:

- proširene laboratorijske pretrage (kompletna krvna slika, diferencijalna krvna slika, sedimentacija, urin, urea, kreatinin, ŠUK, bilirubin, ASAT, ALAT, holesterol, željezo, trigliceridi),
- ljekarski pregled specijaliste interne medicine –subspecijaliste kardiologa sa očitanjem EKG-a i nalazom,
- ljekarski pregled specijaliste neuropshijatra,
- mišljenje psihologa,
- radiografija pluća prema indikacijama,
- ljekarski pregled specijaliste medicine rada sa izvještajem.

Cijena pregleda sa navedenim sadržajem iz člana 2. Iznosi 35,00 KM po radniku, bez uračunatog PDV-a, odnosno 40,95 KM sa PDV-om.

Član 3.

Sadržaj usluga sanitarnog pregleda radnika uključuje:

- Bakteriološki pregled brisa nosa i grla na piogeni stafilokok i betahemolitički streptokok grupe A (kliconoštvo).

Cijena pregleda sa navedenim sadržajem iznosi 25,00 KM po radniku. Sanitarni pregledi ne podliježu obračunu PDV-a.

Član 4.

Mjesto izvršenja usluga sistematskog pregleda je na adresi Izvršioca usluga JU KS Zavod za zdravstvenu zaštitu studenata Univerziteta u Sarajevu, a mjesto izvršenja sanitarnih pregleda je na adresi Izvršioca usluga i adresi Naručioća usluga.

Preventivni sistematski i sanitarni pregledi obaviti će se u vrijeme i na način koji odgovara radnicima Naručioća usluga, u dogovorenom terminu u periodu od 10.-21.09.2018.godine

Član 5.

Izvršilac usluge mora biti u mogućnosti omogućiti svim radnicima Naručioća obavljanje sistematskog i sanitarnog pregleda u skladu sa Ponudom, unutar ugovorenih dana.

Član 6.

Izvršilac usluga se obvezuje obavljati usluge iz člana 2. ovog Ugovora savjesno, stručno i kvalitetno u skladu sa zahtjevima Naručioca, odredbama ovog Ugovora, te zakonskim propisima i pravilima struke.

U slučaju neadekvatnog obavljanja ugovorenih usluga od strane radnika Naručilac ima pravo zatražiti drugog radnika na tim poslovima, a Izvršilac uskuge se obvezuje tom zahtjevu odmah udovoljiti.

Izvršilac usluga se obvezuje obavljati ugovorene usluge u dogovorenim terminima, sukladno zahtjevu Naručioca.

Naručioc se obvezuje dostaviti Izvršiocu popis osoba za obavljanje sistematskih i sanitarnih pregleda.

Član 7.

Naručilac se obavezuje da će naručenu i obavljenju uslugu u skladu sa članom 2. ovog Ugovora platiti u roku od 30 dana od dana prijema fakture, a prema broju stvarno izvršenih pregleda.

Izvršilac je saglasan da dostavi mjesečni račun izvršenih pregleda koji sadrži u prilogu detaljno izvješće o broju osoba kojima su u fakturisanom razdoblju pružene usluge, a sve specificirano po vrsti usluga i vrsti obavljenih pregleda za svaku pojedinačno navedenu osobu.

Izvršilac usluga je dužan da za obavljene sistematski ljekarski pregled izda izvještaj na obrascu ZP-2 za svakog radnika.

Član 8.

Ugovorne strane su saglasne da se ovaj Ugovor zaključuje za period do izvršenja ugovorenih usluga iz člana 2. i 3. ovog Ugovora.

Član 9.

U slučaju da nakon zaključivanja ovog Ugovora nastupe izvanredne i neočekivane okolnosti uslijed više sile, koje ugovorne strane nisu mogle predvidjeti niti izbjeći i posljedica kojih je nemogućnost ispunjenja ugovornih obaveza, strana koja je saznala za njeno nastupanje dužna je o tome pisano obavijestiti drugu stranu, u roku od tri (3) radna dana od dana nastupanja okolnosti više sile.

Član 10.

Na odnose ugovornih strana koji nisu drugačije regulirani ovim Ugovorom primjenjuju se odredbe Zakona o obligacionim odnosima.

Član 11.

Ovaj Ugovor je sastavljen je u 4 (četiri) istovjetna primjerka, od kojih svaka ugovorna strana zadržava po 2 (dva), te u znak prihvatanja prava i obveza predstavnici ugovornih strana isti vlastoručno potpisuju.

NARUČILAC USLUGA
UNIVERZITET U SARAJEVU
ELEKTROTEHNIČKI FAKULTET
Dekan

Prof.dr. Samim Konjicija

Broj: 02-362/18
Sarajevo, 27.09.2 2018.god.

IZVRŠILAC USLUGA
JUKS ZAVOD ZA ZDRAVSTVENU ZAŠTITU STUDENATA
UNIVERZITETA U SARAJEVU
Direktor

Dr.sci.med. Žana Pozderac, primarijus
specijalista interne medicine
subspecijalista kardiolog

Broj:03-02- _____ 2018
Sarajevo, _____ 2018.god.